



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-2193/14
Datum, 01.12.2014. godine

Na osnovu člana 15. Zakona o principima lokalne samouprave Federacije BiH („Sl. novine F BiH“ broj: 49/06) i člana 30. Statuta općine Tešanj ("Službeni glasnik općine Tešanj", broj 11/07) Općinski načelnik d o n o s i

ODLUKU

o uspostavljanju Programa postinvesticione podrške ulagačima

Član 1.

(Predmet Odluke)

Ovom Odlukom uspostavlja se Program postinvesticione podrške ulagačima na području Općine Tešanj (u daljem tekstu: Program) radi podsticanja direktnih stranih i domaćih ulaganja u Općini Tešanj, te potpunije koordinacije i saradnje s institucijama kantonalnog, entitetskog i nivoa BiH u oblasti direktnih stranih i domaćih ulaganja, i podsticanja lokalnog ekonomskog razvoja.

Član 2.

(Način realizacije Programa)

U skladu sa članom 1. Odluke, Program se ostvaruje na temelju Saradničke mreže za postinvesticionu podršku investitorima koja uključuje institucije na svim nivoima vlasti u Bosni i Hercegovini (općinski, kantonalni, entitetski i državni nivo), u saradnji s Agencijom za unapređenje stranih investicija u BiH (FIPA) i Agencijom za razvoj Općine Tešanj (TRA). Služba za finansije, privredu, komunalne i inspeksijske poslove-Odjeljenje za privredu i Agencija za razvoj zaduženi su za sprovođenje Programa u Općini Tešanj.

Član 3.

(Ciljevi Programa)

Ciljevi Programa su:

- a) Pružanje postinvesticione podrške postojećim stranim i domaćim ulagačima u Općini Tešanj radi otklanjanja prepreka s kojima se susreću u svom poslovanju kako bi se potaknuli na dodatno reinvestiranje, te podrška stranim i domaćim ulagačima da identifikuju nove prilike za ulaganja;
- b) Redovne posjete stranim i domaćim ulagačima, pružanje podrške stranim i domaćim ulagačima u rješavanju problema u poslovanju;
- c) Podrška stranim firmama u procesu investiranja, a naročito kod prikupljanja dokumentacije u nadležnosti općine i dobijanja dozvola i saglasnosti u nadležnosti općine;
- d) Povezivanje stranih i domaćih ulagača sa lokalnom poslovnom, akademskom, tehničkom i društvenom zajednicom radi integriranja stranih i domaćih ulagača u lokalnu zajednicu.

Član 4.
(Koordinator Programa)

Za realizaciju Programa, pored subjekata iz člana 2. ove Odluke, nadležan je koordinator Programa, rukovodilac Službe za finansije, privredu, komunalne i inspeksijske poslove. Koordinator Programa realizuje Program u okviru svojih redovnih radnih zadataka i ne prima dodatnu naknadu za svoj rad na Programu.

Član 5.
(Zadaci koordinatora Programa)

Koordinator Programa obavlja sljedeće zadatke:

- a) Priprema plan realizacije i akcioni plan Programa na godišnjem nivou;
- b) Uspostavlja i održava saradnju unutar općine i s institucijama na svim nivoima vlasti radi realizacije Programa;
- c) Ostvaruje ciljeve Programa iz člana 3. Odluke;
- d) Mjeri rezultate učinka Programa na godišnjem nivou kroz vođenje investicionih indikatora.

Član 6.
(Provedbeni propisi)

Interne provedbene akte vezane za obavljanje zadataka iz člana 3. ove Odluke, donijeti će rukovodilac Službe za finansije, privredu, komunalne i inspeksijske poslove u roku od 30 dana od dana stupanja na snagu ove Odluke.

Član 7.
(Stupanje na snagu)

Odluka stupa na snagu danom donošenja i bit će objavljena u „Službenom glasniku Općine Tešanj“ i web stranici Općine Tešanj.

Dostavljeno:

1. Služba za finansije, privredu, komunalne i inspeksijske poslove,
2. Agencija za razvoj (TRA),
3. Agencija FIPA,
4. Službeni glasnik,
5. Arhiva.



Huskić
OPĆINSKI NAČELNIK
Mr. Sc. Suad Huskić, profesor